

## FILIPI BATII

# Kukū Ko Di Paulo Lakpana Aata Ni Filipi Batii

<sup>1</sup> Ami, Paulo, ku Timoteo wɔ ninle ni Kristo Yesu bakpemblate nikokpana kukū ko mmle munkyesee aye bafūbanutε bamuu ku batunlets lema ku bakyakaakote ba niebla ni onwii ku Kristo Yesu bakpe ni di Filipi.

<sup>2</sup> Teete Yaa loo ku Saate Yesu Kristo bale ye sibuale, baata ye atoko okye ole.

*Paulo Lape Əlaa Aata Yaa Di Batii Ba Ninkpe  
Ni Di Filipi Nimaka Ni Kukū Ko Mmle.*

<sup>3</sup> Obe lele lenyuma ye kamaa, mpe Yaa sefa diisi lee. <sup>4</sup> Obe lele kafoɔ kɔpε əlaa nta Yaa di bamuu lee disi, mpe əlaa nta ku suoto 1eyɔɔ. <sup>5</sup> Ta mmle okle bitɔɔkyakaakoe nii dieyɔ ni di dii kasale diebase bia mmie di əlaa biene nwu nkpo ɔkpε əbla suoto oso. <sup>6</sup> Ta nkpo oso lefū lenu nlε Yaa wɔ niekye ni ɔkpε biene wɔ mmle kasɔ kaame lee kamabla nwu anyeŋte ninaase di dii le di Kristo Yesu makple anwa nii.

<sup>7</sup> Obe lele əlaa lee ntika mi di otu. Nwaako, diesieko ale katoobu ye diisi fe mmle okle. Diekye Yaa lele ami ku aye sibuale ale diobuo ye ta ami oso di obe wɔ nte ni leeyo. Diekyakaa nii, biɛkyakaakoe buɔkpe di əlaa biene nwu nkpo disi ale kuayila sidu baatii kame. <sup>8</sup> Yaa omu nyε mi kamaa ale əlaa wɔ kobue nlε fe mmle okle

di Kristo Yesu mbombō ye nii, nkpo okle di ɔlaa lee ntika mi ni di otu kame ne.

<sup>9</sup> Kɔρε ɔlaa nta Yaa nle lebombō lee katɔtaka katoo obe lele, ale biawɛ lesaatofo ku lesɔnu nimu nimu, <sup>10</sup> mmle okle biafuo ni lesaa le ninle ni dibiene odiki ale dii le di Kristo Yesu kamawa nii, biale batii ba di lɛkpɔnɔnfɔ kuniwii dilabatika ni di suoto ale baalo ye ni lepɔɔ. <sup>11</sup> Ni ɔsaabla wɔ ninti ni tinini di Yesu Kristo lete ninta ni batii mbla nya ni kamayii ye kame po, min-yɔ dibu ku katansa minta Yaa.

### *Otii Wɔ Nietuna Eεbla Ni Kristo Ḷkpe Nkpe Nkpa.*

<sup>12</sup> Babiloo, komie nle nta ye letofo nle, lesaa le niawa mi ni di suoto, nwaako diɛta ɔlaa biene nwu nkpo lɛkye sitū osie kanya. <sup>13</sup> Ta nle mmle oso, basaanyunte ba ninkpe ni di ɔka leyo ku batii bamba ba ninkpe ni ninfū bamuu ntootofo ale Kristo kpembate nle ni oso nte leeyo. <sup>14</sup> Leyo nii ote wɔ mmle ntookpee babiloo kpinwu osie di Saate kame ale, batookple bɛewɛ otu okpee osie kanya ale, nfɛ boobue Yaa ɔlaa nwu nkpo ku sekambi ku ɔtanyɛke.

<sup>15</sup> Nwaako kabue nii, batii bawo kaame lɛma kobue Kristo ɔlaa nwu nkpo diekye bɔɔkperekoe sesɔfɔwo, boomie ale batɔɔnanfikoe ɔlaa. Batii bawo kafɔɔ kobue nwu ku otu biene. <sup>16</sup> Batii ba nikobue nwu ni ku otu biene yi, boobue nwu ku lebombō. Diekye baye ale Yaa niɛyɔ Ḷkpe wɔ mmle eekpee mi ninnɛe kame ale kakpɛ di ɔlaa biene nwu nkpo disi. <sup>17</sup> Batii nwu nkpo dilooobue Kristo ɔlaa nwu nkpo ku otu biene, diekye boomie mma bamu lɛlɛ lɛma. Diekye

boomie alε dibuo nii ditaka katoo di obe wɔ nte ni leeyo.

<sup>18</sup> Nni nkpo dielala, diekye otii owo lebuε Kristo ɔlaa nwu nkpo ku otu biene woo, aabue nwu ku otu biene woo, di obe wɔ bɔcnyu mambue ni Kristo ɔlaa nwu kamaa, nni nkpo mpɔ mi. Suoto kɔyɔɔ mi. <sup>19</sup> Suoto kɔyɔɔ mi, diekye n-ye nle di ɔlaa wɔ biɔpε minta ni Yaa diisi nii ku mmle okle di Yesu Kristo Ninwuna nwu nkpo kɔkyakaakoe ni oso, kamadie leeyo katenkɔ. <sup>20</sup> Lesaa le ninle mi ni dibiesaa di anu nii ntika ni ni di suoto osie kanya ninle ale, sinunso dilaakpe mi di ɔkpε wɔ mmle kɔbla ni suoto. Kafɔɔ di obe lele kame, kyenkye nunua, kayii pɔ ku sekambi, n-yɔ katansa nta Kristo di nkpa nii osie kame. Kunte lekpi woo, nkpe nkpa.

<sup>21</sup> Be ninle nkpa? Di ɔkyε nii yi, nwu ninle alε nse nsi kamabla ɔkpε nta Kristo. Kafɔɔ kukpi mawako nfasū ninlenkee. <sup>22</sup> Kafɔɔ nse fε nsie nkpa nkyakaa yi, nse ntaakple mbla ɔkpε biene nkyεnko sitū. Kafɔɔ nootofo ləmenle nfe nindiki, kukpi woo, nkpa! <sup>23</sup> Ntɔɔka di ntentεε, diekye assaa ya mmle anyɔ nkle mi ɔɔnanfi. Kafɔɔ ami yi, dikle mi ɔkɔnsɔ alε kasifi naawε di Kristo nfū. Nle mmle kale mi ninlenkee. <sup>24</sup> Kafɔɔ ta aye oso, dile dilenke alε kasiε nkpa. <sup>25</sup> Di obe wɔ lefū nle mmle lenu ni oso, n-ye nle kamasiɛko bamuu lee kaayi ka mmle kame, nkyakaako ye minkyε sitū di ofū onu lee kame minwε suoto lεyɔɔ. <sup>26</sup> Ni nse nkpe ye di ɔkyε yi, suoto kamayɔɔ ye osie kanya di Kristo kame ta ami oso.

<sup>27</sup> Nunua, lesaa le nieff̄ ni ninle alε nkpa lee disiɛbi kate fε mmle di ɔlaa biene nwu nkpo

kotuo nii, diekye nle mmle di Kristo komie ne. Nioso nse lefuo ye ɔwa ɔbanya, ee lenu ye lεkpanko yi, kanu ale biye niinwuna kame biɔkpε ku disibu ninwii di ofū onu lee kame di ɔlaa biene nwu nkpo kanya. <sup>28</sup> Bitanyεkε balo lee nwu nkpo, biyila kpinkpī ku sekambi. Nle mmle madiki nintuo ma ale, Yaa kamadiki ye, anwɔɔsa ma letembi nwu nkpo. Diekye nnwɔɔ nikɔkpε kakpε lee nwu nkpo anta ye, ni ɔɔta ale biolenkee kakpε nwu nkpo ne. <sup>29</sup> Diekye Yaa lεta ye osuku ale biadiki Kristo kɔlεs, diele ale mmle biafū minnu ni lete oso εεlεs ye. Kafɔɔ ale diabuo ye ta nnwɔɔ oso. <sup>30</sup> Nunua yi, ayee bibuo kaakpε nwu nkpo kame biɛkpε bikyakaakoe. Kakpε ka mmle ninle nka bianyeε latɔɔkpε ni ne. Fe mmle okle bianu nii, nka nwu kokple nkpe ɔkpε miε ne.

## 2

### *Yesu Lawakosa Suoto Kasɔ Nu Ale Saate.*

<sup>1</sup> Nunua, onwii lee ɔbla ku Kristo kokpee ye osie. Lεbɔmbɔ nɔɔ kafɔɔ kokpee ye kɔnεs kaafutu. Bitɔɔbla onwii kafɔɔ ku Ninwuna nwu, nioso nfε biɔbla sifutule, minnya bawo kafɔɔ nyaami. <sup>2</sup> Ta di suoto lεyɔɔ nii kabla ni nimu oso, kokpee ye osie nle, bibla kanya kanwii, biediki lεbɔmbɔ bituo bawo. Biebla onwii diisibu kame, fe otii onwii okle. <sup>3</sup> Bitambla lεsalesaa di onumbεbεs, ee suoto katoo ɔtakatesa kame, kafɔɔ biwakosa suoto kasɔ bita bawo. Obe lele biebu bawo disi bilenkee suoto lee simu. <sup>4</sup> Bibie bawo lee dibiene, kafɔɔ diele lete lee lele.

<sup>5</sup> Bita disibu le niawε ni Kristo Yesu diwε aye kafɔɔ. <sup>6</sup> Obe lele aawε Yaa letembi. Kafɔɔ diidii atabla disibu ale dikpe nii εεtakatesa suoto katoo ale manko Yaa bεεkyεkyε. <sup>7</sup> Kafɔɔ di nnwɔɔ omu nɔɔ dibiesaa kanya, aadie kayilakɔ nɔɔ ka ninkpe nwɔ nii, aayɔ kpemblate letembi, aawa kayi ka mmle fe otii. <sup>8</sup> Ta nkpo oso, aawakosa suoto kasɔ aakyɔɔ Yaa kotoko dialaase di obe wɔ aakpi nii bia koowoso suoto. <sup>9</sup> Nioso, Yaa latakatesa nwɔ katoo aatɔɔ kayilakɔ ka ninlenke nii, ni aatɔɔ leyooto le ninlenke ni di ayooto amuu kame ne. <sup>10</sup> Nioso nse bεεlεε Yesu leyooto nwu nkpo kamaa, dikpe nii asaa ya amuu nínkpe ni di osi ku kasɔ ka mmle suoto ku n-ya ninsi ni kaasɔ kalɔ lεre akunkyi, <sup>11</sup> amuu lediki eebue ale Yesu Kristo ninle Saate. Alε baayɔ mantansa Teete Yaa nwu.

*Bikpa Fe Awentrebi Kaayi Ka Mmle Kame.*

<sup>12</sup> Nkpo oso basiεwo nii bɔmbɔte, fe mmle okle minkyɔɔ mi ni ɔlaa kotoko nse nkpe di ɔkyε lee yi, nkpo okle diefī dilenke ale biakyɔɔ mi ɔlaa kotoko di obe wɔ nnaa ye ni di ɔkyε ne. Biyɔ leyekε ku ditütükü bibla ɔkpε bikyεnko sitū biyɔ bidiki, didiki lee nwu nkpo bituo. <sup>13</sup> Diekye obe lele Yaa nsi ye kaame ɔɔbla ko ye suoto ɔkpε, ale aata ye mintuna minkyɔɔ nwɔ atoko mimbla nwɔ dibiesaa.

<sup>14</sup> Lesaa lele biɔbla yi, bitandiki kanya lεesaa nwu suoto, ee biananfi ɔlaa ninni suoto. <sup>15</sup> Ni bibadie di lεpɔɔ olo biala kame minle Yaa babi ba niɛkpa ni di okpile kuonwii dietika ma ni di suoto. Di obe wɔ bisi ni ku batii kpile ba ninsi ni di kayi ka mmle nintɔolalaa ni kame oso yi,

bitɔ̄okpa kaamε lema fe mmle di awəntrεbi nkpa ni di osi. <sup>16</sup> Bimufū nkpa ɔlaa nwu nkpo biklee osei kanya. Nse biefuo ɔbla nkpo yi, ni dii le di Kristo kamawa ni yi, kafuo kɔ̄nɛɛ ɔpε leɛkankpεɛ mbuɛ nle ninwuo ee nkuc kasakasa. <sup>17</sup> Ofū onu lee di Saate kame ku ɔkpe lee ɔbla nte fe oleɔta bεeta bεetɔ̄o nii. Nse diɛsiɛko ale baawii ntɔ nii di oleɔta nwu nkpo suoto yi, suoto nta bayɔ̄ mi, mpɔ̄ko bamuu lee. <sup>18</sup> Nkpo okle kafɔ̄ dikpe ni biɛnya suoto lεyɔ̄ biɛrɔ̄koe ne.

### *ɔlaa wɔ̄ mmle nle Timoteo Ku Epafroditο Ole.*

<sup>19</sup> Nse Saate loo Yesu letuna yi, di obe kakui kame kamakpee Timoteo anwa ɔkyε lee amanyu ye, ni nse εɛkple εɛwa yi, babatɔ̄kɔ mi ɔkyε lee ɔlaa suoto nkple sinyɔ̄ mi. <sup>20</sup> Nwaako katɔ̄kɔ ye ni yi, otii kuonwii nsinnaa munko nwɔ disibu lebla ni ninwii fe Timoteo. Diekye mmle okle dite mi ni di suoto lee yi, nkpo okle kafɔ̄ dite nwɔ ne. <sup>21</sup> Batii bamuu bule yi, mma bamu lele nfε batikanko, diesinle nle ninle ni Yesu Kristo lele. <sup>22</sup> Aye bamu biye bilε Timoteo yi, otii finle ale, diekye aayila aasū mi kpinkpinkpī fe mmle okle di obi suɔ̄tɔ̄bi nyila ansū ni ote di ɔlaa biene nwu nkpo obue kame. <sup>23</sup> Nkpo oso konyu osuku nle kamakyesee nwɔ ɔkyε lee wla nse lenya mmle okle di assaa kote anfe nii. <sup>24</sup> Lefū Saate Lenu nle di obe kakui kame, ami omu kamawa ɔkyε lee.

<sup>25</sup> Lenya nle diefī ale kakyesee ye obiloo Epafroditο ankple anwa ɔkyε lee. Nnwɔ̄ɔ niayi-lakoe buakpε kakpε buabla Yaa ɔkpe ne. Nnwɔ̄ɔ ninle otii wɔ biakpee bilε awa abakyakaakoe ni ne. <sup>26</sup> Oomie ale anya ye osie kanya. Dile lεsaa le

nikowikitisa nwɔ ni otu, diekye aye ale bitoonu bilɛ suoto ditawɛ nwɔ osie. <sup>27</sup> Kubio aatoofie, kɛɛkɛɛ niabu se aakpi. Kafɔɔ Yaa lanyɔɔ nyaami. Diele lete nɔɔ aanya nyaami nwu nkpo, kafɔɔ ku ami aanya nyaami. Nse diele nkpo, ntababuo nyaami nlenkee nle kɔnya nii. <sup>28</sup> Nkpo oso ami omu dikle mi ɔkɔnsɔ osie kanya nle kodiki nwɔ osuku anwa. Ni nse biɛnyɔɔ yi, suoto makple sinyɔɔ ye. Nse ami kafɔɔ kaku nii owi ntooloo. <sup>29</sup> Nkpo oso bifukuti nnɛɛ bifū nwɔ ku suoto leyɔɔ di Saate leyooto kamɛ. Biɛyɔ dibu bita batii ba ninte ni fɛ nnwɔɔ okle. <sup>30</sup> Diekye atayɛkɛ nkpa nɔɔ, aadie mi aata ta Kristo ɔkpɛ oso, diabu kɛɛkɛɛ se aakpi. Aabla nkpo aayɔ aateɛ lekyakaako le di aye bamu minamafuo mi ni ṣta.

### 3

#### *Bitantikanko Suoto Sina ɔsaabla.*

<sup>1</sup> Babiloo, kayɛntɛ nii, bita suoto siyɔɔ ye ale bitɔbla onwii di Saate kamɛ. Dilootuudi mi ale kakple nkpana asaa ya ntɔɔkpana lebafe ni nkple nkyesee ye. Dekye nse biɛbla nya yi, abakyakaako ye.

<sup>2</sup> Bilolaa binyu di mba nimbla ni asaa kpile suoto bate ni fɛ baweeewe, booyila ye ni di suoto kyekelee ale dikpe ni biebudi ni asɔkɔsɔkɔ.

<sup>3</sup> Awo ninle batii ba niebudi ni asɔkɔsɔkɔ bamu bamu nɛ, diele mma. Diekye muntansa Yaa diefe ni Niinwuna nɔɔ suoto. Munwɛ suoto leyɔɔ di obe wɔ di awo ku Kristo Yesu butɔɔbla ni onwii oso. Buootika anu di suoto sina ɔsaabla kuonwii suoto.

<sup>4</sup> Nse otii owo lenyu ale ɔɔyɔ anu antika di suoto sina ɔsaabla nwu nkpo suoto yi, ni ami ninkpe osuku nwu nkpo nlenke. <sup>5</sup> Diekye baalofo mi nii, dii nənle suoto ni baabudi mi lesəkɔsəkɔ ne. Israel obi tintinti nle. Lekye kafɔɔ Benyamin leyo kame. Hebri otii nle, diekye Hebri batii bamu nielofo mi. Nse Yuda batii kufiofa nwu lete ole kafɔɔ oso yi, ni Farisi otii nle. <sup>6</sup> Di okyiini ni okpee fe Yuda otii yi, lakpee bafūbanute nwu nkpo dikudi kubε diitikanko kame. Nse beebeus ale kuufiofa nwu nkpo lete ole ale baanya otii wɔ ninte ni tinini yi, ni okpile kuonwii dietika mi di suoto.

<sup>7</sup> Kafɔɔ di obe wɔ dikpe ni nnyu ni asaa ya mmle fe asaa ya niefū ni kɔya, kafɔɔ nunua, kɔnya nya fe asaa ya ninanfū ni kɔya ta Kristo oso. <sup>8</sup> Diele nni nkpo lete. Kɔnya asaa amuu nle aafū kɔya, diekye ntəbatofo nle Kristo ninle mi Saate. Lesaatofo le mmle lefū kɔya dilenke asaa amuu. Nkpo oso kɔnya asaa nii amuu fele asaa ya ntɔɔyɔ leyu ni leefleku, mmle okle kɔɔneɛ nii kakpanko ni Kristo, <sup>9</sup> munko nwɔ mumbla ni onwii. Nkpo oso ɔsaabla tinini wɔ di otii nwɛ ankyeko ni kufiofa kame nsinnaa mi di suoto nii kame. Nioso nunua mbla lesaa le di Kristo ofū onu komie ale mbla nii. Nnwu ninle ɔsaabla wɔ niekye ni Yaa nfū kusi ni di ofū onu kame ne. <sup>10</sup> Lesaa le lete komie ni ninle ale, katofo Kristo wɔ niataka aakyе ni bakpi kame ku osie nɔɔ wɔ nikɔbla ni ɔkpε. Mmle okle di amii kafuo ni ofe diibuo nɔɔ kame, nkpi ni fe nnwɔɔ. <sup>11</sup> Ni amii masie di osuku onyu kame nle, Yaa matakateseɛ mankyeko bakpi kame nsie nkpa.

*Paulo Labue Mmle Ababla Ni Fiε Abafū Ni Lelenkee.*

<sup>12</sup> Diele obue kobue nle kōneε nii ntɔɔkpango disi tikasaa nwu nkpo, ee ntoowo niimu kofoko-foko. Kafɔɔ ɔkpe kɔkpɛ osie kanya nle kōneε nii kakpanko ni, diekye nni oso di Kristo Yesu lεlεs mi εεbla mi ole nwɔ nε. <sup>13</sup> Babiloo, diele ale onyu konyu nle kōneε nii ntɔɔkpango ni kofokofoko. Kafɔɔ lessaa le kobla ni ninle ale koyee asaa ya ntɔɔbla lebafe nii. Kokpee okyiini nle kōneε nii kakpanko nle ninte mi ni siitū. <sup>14</sup> Nkpo oso kotoso tinini nle kalenkee nfū letota le ninte ni di osi di Yaa lefe di Kristo Yesu suoto εεlεs mi ni nε.

<sup>15</sup> Dikpe nii, bieta disibu le mmle okle lewε awo ba nintoomuɔ ni di Yaa Ninwuna kamε. Ni nse diεwa ale disibu bamba lewo nkpe otii owo kaamε lee, ni Yaa kamadiki ni kayi antuo nwu. <sup>16</sup> Akpakpa lele dite, bita bukyε sitū di osuku wɔ butɔɔkyε diεbase ni bia miε.

<sup>17</sup> Babiloo, binyu ɔsaabla nii biεbla. Batii ba niεbla ɔtε onyu biene bεeta ye ni fε mmle okle buabla nii yi, bikyɔɔ ma atoko. <sup>18</sup> Ntoyitɔkɔ ye selaa se mmle obe kpинwu lebafe fiε, kafɔɔ nunua, kokple nse ye lεtɔkɔ ku nnumεε. Nle mmle kotuo ale batii bawo, nkpa lεma be basi ni kaamε lee yi, batookple balo bεeta Kristo kukpi ko aakpi ni koowoso suoto. <sup>19</sup> Batii ba mmle kamabuo di kawɔɔ ɔtɔ nwu ninnaa ni kaloo kamε. Diekye bεεyɔ kafutu lεma bεεbla Yaa lεma. Asaa ya ninle ni anunsɔsaa kafɔɔ suoto mannya suoto leyɔɔ. Kayi ka mmle asaa lete kafɔɔ disi mambu. <sup>20</sup> Kafɔɔ awo yi, kafa loo

ninle Yaa səka kalekə nə. Nfa buonyu osuku mutta bulə Dikite loo wə ninle ni Saate Yesu Kristo kamankye anwa nə. <sup>21</sup> Abakyelsa suoto loo sina se mmle ninnaa ni ɔnyee, anta sī sinkpa fe sele nwə, ku osie nəcə wə ninkpe nwə ni kanya, dieta ale lesaa biala lewa kasə dietəcə nii.

## 4

### *Paulo Laka Filipi Batii Lessaa Le Dikpe Ni Bεετccbla Nii.*

<sup>1</sup> Nkpo oso, babiloo bəmbətə, mmle okle biefi mi nii, fie ninonya ye nii. Mmle okle biokpee mi ni suoto ləyəcə ku mmle okle kəpə ni kənəe ləekankpəe ta aye oso. Babiloo babəmbətə nii, nnya mmle okle dikpe ni bieyila ni osie kanya di Saate kame.

<sup>2</sup> Euodia ku Sinteké, lekoto kotikiti ye nlə, binu bawo kasə biekple bibla onwii fe babilema sankobi di Saate kame. <sup>3</sup> Afə kafəcə kəpəmblətə wo nii bienetə, komie nlə fakyakaako basanko ba mmle. Diekye baakyakaakoe buabla əkpə osie kanya ku Klemens ku bakpəmblətə wo nii bamba di əlaa biene nwu nkpo ləkya oyie okyiko kame. Mba ayooto ninsi ni di Yaa nkpa kukū kame.

<sup>4</sup> Bita suoto sitccyəcə ye obe lele ale bitccyəbla onwii ku Saate nwu. Kokple mbue nkyakaa nlə bita suoto siyccə ye.

<sup>5</sup> Bita batii bamu banya ale bikpe nkpa be niçyccə ni. Diekye Saate nwu nkpo ɔwabee ntccyətəsə. <sup>6</sup> Bitankpee suoto kubue ləesalesaa suoto, kafəcə nse biçpə əlaa minta Yaa yi, biɛkaalə nwə asaa ya amuu niefi ye ni, biɛpə nwə səfa.

<sup>7</sup> Yaa atoko ɔkye ole wə niɛtaka katoo dilenke ni

otii lesənu kamalolaa ye situ ku disibu osie kanya di onwii lee ɔbla kame ku Kristo Yesu.

<sup>8</sup> Babiloo, kayente nii yi, bita asibu lee atika di asaa ya ninle ni eesiɛko ni katansa suoto. Biebu disi sɛelaa nwaa suoto ku asaa ya niesiɛko ni dibu ku n-ya ninte ni tinini ku asaa ya niɛkpa ni kɔmɛ ku asaa ya niesiɛko ale baanyu ni ku n-ya niesiɛko ni otii. <sup>9</sup> Bisie nkpa di asaa ya bietekete biekkyeko ni ɔkye nii, ku n-ya biefū ni, ku n-ya bienu biekkyeko ni kanya nii kame, ku n-ya bienyee lebla ni suoto. Yaa wɔ ninta ni atoko ɔkye ole asiɛko bamuu lee.

*Paulo Lape Filipi Batii Sɛfa Di Asaa Ya Baatɔɔ Ni Suoto.*

<sup>10</sup> Suoto kɔyɔɔ mi osie kanya di Saate kame nle, bitookple biebla disibu fole di kanyu nii suoto kuntɛ ditɔɔkles. Diele ale obue kobue nle bitoodie mi onyu. Kafɔɔ osuku nitasɛkete ale biatee lesaa di obe nwu kame. <sup>11</sup> Diele obue kobue ɔlaa wɔ mmle nle loo lesaa lewo lefī mi ni oso. Diekye ntootekete di sisuku simuu kame nle lesaa lele ninkpe mi kabuo mi anu. <sup>12</sup> N-ye lesaa le ninle ni dipii, n-ye kafɔɔ lesaa le ninle lesaawɛ. Lesaawɛ biala kame letekete lewofasaa le mmle. Mmle okle dikpe ni otii lesie ni di obe lele kame. Di kɔka kame woo, ole omie kame woo, lesaawɛ kame woo, lesaa tanwe kame woo, nfu ofe di amuu kame. <sup>13</sup> Di Kristo osie wɔ εετεε ni oso nfu ofe di lesaa biala kame.

<sup>14</sup> Kafɔɔ bielolaa biebla ale biekkyakaakoe dibuo nii kame. <sup>15</sup> Filipi batii, aye bamu biye bile diayɛ ni di obe wɔ ladie ni di Makedonia lakyɛ kasɔ latooyie ni ɔlaa biene nwu nkpo lɛkya, aye niale bafūbanutɛ ba lete niatɔɔkyakaakoe ni di

asaa ṣta kame, minfū mi dikusəkuse. <sup>16</sup> Obe wō lawe ni di Tesalonika, lεεkyakaako lafi mi nii, biakyesee mi asaa dialenkee ninwii. <sup>17</sup> Diele asaa lee ṣta komie, kafco lewe le bibawē ni di asaa lee ṣta kame di osi letika anu. <sup>18</sup> Bitooτee koto kulenke bia ɔkpere wō labla nii. Asaa ya biata Epafroditō bile awakoe nii labakpankoe nnee, dieta ale ntooτee asaa ya niefi mi ni feε. Asaa ya mmle biekylesee mi ni nte fe oleoτa wō niebuo ni Yaa anu kuɔpere nwā ni ɔkənō, kuɔtēe ni suoto lεyoo. <sup>19</sup> Yaa wō ɔkpere kobla nii, kamata ye abiesaa lee amuu, diefe ni di Yesu Kristo lεesaawē kple di lεkpa nōo kame.

<sup>20</sup> Bita butansa Teete loo Yaa diεyoo ni di nua diesifi ni dinaa ni kaloo. Diwa kaanya.

*Paulo Lεsεesa Yεntεle.*

<sup>21</sup> Kōsεesa Yaa batii ba bamuu niefū Kristo Yesu beenu nii. Babiloo ba ninkpe ni ninfū ku ami kafco kōsεesa ye biene biene. <sup>22</sup> Yaa batii klekle ba ninkpe ni ninfū kōsεesa ye biene biene. Kyenkye mba ninkpe ni di Roma batii ɔka kple leyo.

<sup>23</sup> Saate loo Yesu Kristo sibuale disiεko ye.

**Yaa Kanya Ninii Føle Selεε**

**Selεε: Yaa Kanya Ninii Føle Selεε New Testament**

copyright © 2008 Wycliffe Bible Translators, Inc.

Language: (Selεε)

Contributor: Wycliffe Bible Translators, Inc.

All rights reserved.

2020-11-30

---

PDF generated using Haiola and XeLaTeX on 22 Feb 2024 from source files dated 29 Jan 2022

b86b27c9-33ee-5380-a452-244df2dc60c6